

BOSNA I HERCEGOVINA
Federacija Bosne i Hercegovine
TUZLANSKI KANTON
Ured za borbu protiv korupcije i
upravljanje kvalitetom

Broj: D-02/31-04-001451-1/23
Tuzla, 26.01.2023. godine

TUZLANSKI KANTON
VLADA
n/r Sekretar Vlade

Predmet: Informacija, dostavlja se

Poštovani,

U skladu sa članom 28. Poslovnika o radu Vlade Tuzlanskog kantona („Sl. novine Tuzlanskog kantona“, broj: 07/05, 07/07, 11/08, 16/13 i 21/21; -u daljem tekstu Vlada), u prilogu ovog akta Vam dostavljamo “Informaciju o provođenju Zakona o prijavljivanju, porijeklu i kontroli imovine izabranih dužnosnika, nosilaca izvršnih funkcija i savjetnika u Tuzlanskom kantonu“.

Naime, članom 9. stav (1) i (4) Zakona o prijavljivanju, porijeklu i kontroli imovine izabranih dužnosnika, nosilaca izvršnih funkcija i savjetnika u Tuzlanskom kantonu (“Službene novine Tuzlanskog kantona“ broj 22/21) predviđeno je, između ostalog, da Vlada razmatra informacije Ureda za borbu protiv korupcije i upravljanje kvalitetom Tuzlanskog kantona (u daljem tekstu Ured) i dostavlja ih na razmatranje Skupštini Tuzlanskog kantona (u daljem tekstu Skupština), te da Ured, putem Vlade, podnosi informacije Skupštini svakih šest mjeseci kojima informiše Skupštinu o radu, prikupljenim informacijama i uočenim nepravilnostima.

Slijedom navedenog, molimo Vas, da po razmatranju Informaciju proslijedite Skupštini na razmatranje i informisanje.

S poštovanjem.

Prilog: kao u tekstu.

Dostaviti:

1 x naslovu
1 x arhiva



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ured za borbu protiv korupcije i
upravljanje kvalitetom**

**Informacija o provođenju Zakona o prijavljivanju, porijeklu
i kontroli imovine izabranih dužnosnika, nosilaca izvršnih funkcija
i savjetnika u Tuzlanskom kantonu**

Tuzla, januar 2023. godine

SADRŽAJ

1. UVOD	3
1.1. Zakon o prijavljivanju, porijeklu i kontroli imovine izabраних dužnosnika, nosilaca izvršnih funkcija i savjetnika u Tuzlanskom kantonu	3
1.2. Cilj izrade informacije	4
2. PROVEDBA ZAKONA	4
2.1. Provedene aktivnosti Ureda.....	4
2.2. Prijava, obrazac i popis nosilaca javnih funkcija	5
2.3. Prijava imovine i poklona nosilaca javnih funkcija	6
3. PREKRŠAJNI POSTUPAK-PREKRŠAJNI NALOG	7
4. KONTROLA PRIJAVLJIVANJA IMOVINE I POKLONA NOSILACA JAVNIH FUNKCIJA	7
5. ZAKLJUČNA RAZMATRANJA	8

1. UVOD

1.1. Zakon o prijavljivanju, porijeklu i kontroli imovine izabраних dužnosnika nosilaca izvršnih funkcija i savjetnika u Tuzlanskom kantonu

Skupština Tuzlanskog kantona (u daljem tekstu: Skupština) je na sjednici održanoj 22.12.2021.godine donijela Zakon o prijavljivanju, porijeklu i kontroli imovine izabраних dužnosnika nosilaca izvršnih funkcija i savjetnika u Tuzlanskom kantonu ("Službene novine Tuzlanskog kantona" broj: 22/21, u daljem tekstu: Zakon), a isti je stupio na snagu 05.01.2022.godine. Ciljevi i svrha donošenja jednog ovakvog zakona su jasni i nesporni te su od samog početka kao takvi i artikulisani. Maligni uticaj korupcije i koruptivnih radnji u svim njenim pojavnim oblicima, zahvatio je, te se i dalje širi, sve segmente našeg društva. Pored direktnog efekta koji koruptivne radnje proizvode svakako je značajan i onaj indirektni koji se ogleda u slabljenju jedinstvenog fronta na polju borbe protiv tih i takvih radnji, i to prije svega gubitku povjerenja šire javnosti u, ono što možemo nazvati, institucijama sistema. Upravo posljedica donošenja navedenog Zakona jeste borba na dva polja, kako protiv samih koruptivnih radnji tako i za povratak svijesti građana da je moguće obavljanje javne funkcije na zakonit, efikasan i nepristrasan način uz poštivanje principa poštenja, odgovornosti, vjerodostojnosti i transparentnosti. Komentare na nacrt samog Zakona dali su i predstavnici Misije OSCE-a, Delegacije EU i Američke ambasade u BiH, u cilju uskladjivanja Zakona sa međunarodnim standardima. Usvajanje ovog Zakona i formiranje Ureda za borbu protiv korupcije i upravljanje kvalitetom ocijenjeno je kao značajan iskorak u uspostavi efikasnog sistema prevencije i borbe protiv korupcije u Tuzlanskom kantonu.

Centralnu ulogu u provođenju Zakona zauzima Ured za borbu protiv korupcije i upravljanje kvalitetom Tuzlanskog kantona (u daljem tekstu: Ured) i to na način i u okviru nadležnosti utvrđenih samim Zakonom. Naime Zakon je jasno propisao prava ali i obaveze Ureda u implementaciji istog.

Između ostalog jasno je definisana obaveza nosilaca javnih funkcija da prijave imovinu i prihode te sa druge strane pravo Ureda da vrši kontrolu navedenog prijavljivanja, traži ispravke ili dopune prijave, te u konačnici pokreće prekršajni postupak ili ako prekršaj propisanih obaveza iz Zakona sadrži obilježja krivičnog djela, podnosi krivičnu prijavu nadležnom tužilaštvu.

S tim u vezi nužno je naglasiti da je i Vlada Tuzlanskog kantona (u daljem tekstu: Vlada) na sjednici održanoj 29.03.2022.godine donijela i Uredbu o sadržaju i načinu vođenja registra podataka o nositeljima javnih funkcija i imovini u Tuzlanskom kantonu ("Službene novine Tuzlanskog kantona" broj: 7/22) a kojom se određuje sadržaj, oblik i način vođenja registra podataka o nositeljima javnih funkcija i imovini a što je jedan od ključnih koraka u omogućavanju implementacije Zakona.

1.2. Cilj izrade Informacije

Članom 9. Zakona propisana je obaveza Ureda da podnosi informacije Skupštini putem Vlade i to svakih šest mjeseci. U skladu sa odredbama člana 9. stav (2) i (3) Zakona Skupština i Vlada ne smiju vršiti uticaj na rad Ureda niti tražiti informacije o pojedinačnim slučajevima a za potrebe praćenja nadzora nad Zakonom Vlada i Skupština mogu zatražiti posebne izvještaje o aktivnostima iz nadležnosti Ureda. Sjednice Skupštine i Vlade su otvorene za javnost kada se razmatra informacija Ureda. Informacija sadrži prikupljene

informacije i uočene nepravilnosti te se, a u skladu sa nadležnošću utvrđenim Zakonom, ove informacije objavljuju na web stranici Ureda.

Imajući u vidu početke rada Ureda te problematiku sa kojom se Ured susretao (te se i dalje susreće) u svom radu ovo je prva informacija kojom Ured upoznaje skupštinske zastupnike o dosadašnjem radu, poduzetim aktivnostima, prikupljenim podacima i informacijama kao i uočenim nepravilnostima te ista obuhvata period od donošenja Zakona zaključno sa danom podnošenja informacije.

2. PROVEDBA ZAKONA

2.1. Provedene aktivnosti Ureda

U cilju lakšeg i preglednijeg sagledavanja nadležnosti, prava i obaveza Ureda a počev od samog osnivanja odnosno stupanja Zakona na snagu, u narednim redovima će biti sažeto iznesene aktivnosti Ureda a koje obuhvataju kako aktivnosti na provedbi Zakona tako i sve ostale a koje predstavljaju temelj bez koga bi daljnja implementacija Zakona bila apsolutno nemoguća.

Sporazumom o privremenom preuzimanju državnog službenika zaključenim između Vlade i Ministarstva prostornog uređenja i zaštite okolice broj:02/1-19-27782-2/21 i broj:12/1-19-027782/21 od 24.11.2021.godine preuzet je, na poziciju vršioca dužnosti sekretara Ureda, državni službenik čiji je fokus rada bio usmjeren na stvaranje uslova za početak rada Ureda (registracija Ureda, izrada pečata Ureda, Pravilnik o unutrašnjoj organizaciji Ureda itd.) te početni - inicijalni kontakt sa institucijama sa prostora Tuzlanskog kantona.

U ovoj fazi bitno je istaći donošenje Pravilnika o unutrašnjoj organizaciji Ureda za borbu protiv korupcije i upravljanje kvalitetom Tuzlanskog kantona (u daljem tekstu Pravilnik) broj: 02/31-30-006076/22 od 21.03.2022.godine a na koji je Vlada kantona dala saglasnost Odlukom o davanju saglasnosti broj:02/1-30-6076/22 od 29.03.2022.godine, te formiranje popisa svih institucija u Tuzlanskom kantonu.

U narednoj fazi postavljen je, a počev od 01.06.2022.godine, takode vršilac dužnosti sekretara Ureda, te Ured od 01.07.2022.godine dobija i svog prvog zaposlenika na neodređeno vrijeme, na poziciji stručnog savjetnika za kontrolu i obradu podataka o imovini nosilaca javnih funkcija, a od 03.10.2022. godine višeg referenta za protokol, arhivu i tehničke poslove. Za oba uposlenika zaključen je sporazum o preuzimanju državnog službenika odnosno namještenika. Po okončanju konkursne procedure, 28.11.2022. godine, imenovan je sekretar Ureda.

U dijelu koji se odnosi tehničko jačanje, te obezbijedenje prostornih kapaciteta za daljnji funkcionalan rad Ureda bitno je istaći dva momenta.

Od strane Misije OSCE-a u Bosni i Hercegovini, Uredu je uručena značajna donacija tehničke opreme ili preciznije, računarske opreme uz odgovarajući Software (u skladu sa Ugovorom o donaciji iz marta 2022.godine).

Takode, sredstvima Ureda obezbijedenim iz budžeta Tuzlanskog kantona (kako inicijalnim odnosno sredstvima koja su predviđena budžetom za 2022.godinu, tako i sredstvima iz budžetske rezerve), a kroz postupke javnih nabavki koji su vođeni krajem 2021. godine te tokom 2022. godine (nabavka računarske opreme, kancelarijskog materijala, nabavka radova ugradnje električne i lokalne računarske mreže, radova na sanaciji prostorija itd.) prostorije Ureda, uslovi rada te tehnička opremljenost su podignuti na odgovarajući nivo.

U pogledu ljudskih odnosno kadrovskih resursa u toku je postupak odnosno Javni konkurs za dvije pozicije državnog službenika i to:

- stručni savjetnik za opće i pravne poslove i
- stručni saradnik za prikupljanje podataka i vođenje registara

te je isti u momentu podnošenja informacije u završnoj fazi.

U cilju dodatne prezentacije Zakona sa posebnim akcentom na propisane obaveze Ureda, institucija i nosilaca javnih funkcija, Ured je organizovao ili uzео aktivno učešće na radno-konsultativnim sastancima:

- 08.06.2022. godine u Tuzli, VD Sekretar Ureda je učestvovao na interresornom sastanku na temu „Provedba Strategije i Akcionog plana za borbu protiv korupcije Tuzlanskog kantona 2021-2024“, koji je, uz podršku Misije OSCE-a, organizovao Tim za prevenciju korupcije Tuzlanskog kantona za članove Vlade TK i rukovodioce institucija u cilju prezentacije procesa provedbe Strategije za borbu protiv korupcije. VD Sekretar Ureda je na ovom sastanku prezentirao Zakon o prijavljivanju porijeklu i kontroli imovine, nosilaca javnih funkcija sa akcentom na obaveze koje je odnose na institucije kao i na individualne obaveze nosilaca javnih funkcija.
- 10.11.2022. godine u Tuzli, Ured uz podršku i u saradnji sa Misijom OSCE u Bosni i Hercegovini, održao je, sa sekretarima općinskih/gradskih vijeća i predstavnicima općinske/gradske uprave koji se bave poslovima vezanim za prevenciju korupcije, radno-konsultativni sastanak na temu “Provedba antikorupcionih propisa i strateških dokumenata u Tuzlanskom kantonu”,
- 23.11.2022. godine u Tuzli, Ured učestvovao na inter-resornom sastanku, organizovanom od strane Tima za prevenciju korupcije Vlade Tuzlanskog kantona uz podršku Misije OSCE u Bosni i Hercegovini, na temu Provedba Strategije i Akcionog plana za borbu protiv korupcije Tuzlanskog kantona 2021-2024”,
- 06.12.2022. godine u Banovićima, Živinicama i Kladnju, Ured je organizovao radno-konsultativne sastanke sa predstavnicima općinskih/gradskih uprava, općinskih/gradskih vijeća i institucija koje su osnovane od strane navedenih gradova/općina. Tema radno-konsultativnog sastanka je bila prezentacija Zakona, diskusija o njegovoj odgovarajućoj provedbi, sa akcentom na obaveze i nadležnosti jedinica lokalne samouprave, odnosno institucija koje su osnovane od strane gradova/općina sa teritorije Tuzlanskog kantona i na koje se isti primjenjuje,
- 14.12.2022. godine u Sarajevu, Ured održao radni sastanak sa Uredom za borbu protiv korupcije i upravljanje kvalitetom Kantona Sarajevo u cilju razmjene iskustava u pogledu provedbe Zakona,
- 16.12.2022. godine u Lukavcu, Gračanici i Doboj Istoku Ured je organizovao radno-konsultativne sastanke sa predstavnicima općinskih/gradskih uprava, općinskih/gradskih vijeća i institucija koje su osnovane od strane navedenih gradova/općina. Tema radno-konsultativnog sastanka je bila prezentacija Zakona, diskusija o njegovoj odgovarajućoj provedbi, sa akcentom na obaveze i nadležnosti jedinica lokalne samouprave, odnosno institucija koje su osnovane od strane gradova/općina sa teritorije Tuzlanskog kantona i na koje se isti primjenjuje,
- 13.01.2023. godine u Srebreniku i Gradačcu, Ured je organizovao radno-konsultativne sastanke sa predstavnicima općinskih/gradskih uprava, općinskih/gradskih vijeća i institucija koje su osnovane od strane navedenih

gradova/općina. Tema radno-konsultativnog sastanka je bila prezentacija Zakona, diskusija o njegovoj odgovarajućoj provedbi, sa akcentom na obaveze i nadležnosti jedinica lokalne samouprave, odnosno institucija koje su osnovane od strane gradova/općina sa teritorije Tuzlanskog kantona i na koje se isti primjenjuje.

U narednom periodu Ured će, u cilju izvršavanja propisanih obaveza i odgovarajuće implementacije Zakona i jačanja saradnje sa institucijama na koje se Zakon odnosi, nastaviti sa održavanjem radno-konsultativnih sastanaka.

2.1. Prijava, obrazac i popis nosilaca javnih funkcija

Nakon stupanja na snagu Zakona Ured je, u koordinaciji sa kantonalnim ministarstvima, te gradskim/općinskim vijećima izvršio popis institucija u Tuzlanskom kantonu ("institucija" je svaki subjekt kojeg je osnovao Tuzlanski kanton, odnosno gradovi i općine na području Tuzlanskog kantona). Utvrđeno je postojanje ukupno 314 institucija (trenutno postoji 315 institucija obzirom da je osnovana Javna ustanova Centar za autizam "Meho Sadiković" Tuzla), u kojim se obavljaju javne funkcije, shodno odredbama člana 4. Zakona. Po sačinjavanju popisa institucija Ured je shodno obavezi iz člana 7. Zakona sačinio "Obrazac prijave nosilaca javnih funkcija", te isti, u svrhu inicijalne dostave podataka Uredu o nosiocima javnih funkcija (nosiocima javnih funkcija zatečenim na funkciji na dan 05.01.2022. godine), dostavio svim gore navedenim institucijama.

S obzirom na to, da je 01.07.2022.godine Ured dobio prvog zaposlenika na neodređeno vrijeme, na poziciji stručnog savjetnika za kontrolu i obradu podataka o imovini nosilaca javnih funkcija, to se pristupilo klasifikaciji i evidentiranju zatečenih inicijalnih prijava nosilaca javnih funkcija. Utvrđen je ukupan broj od 393 prijave, koje su dostavljene od strane institucija u periodu od dana stupnja na snagu Zakona do 30.06.2022. godine.

Bitno je napomenuti da se radi o kontinuiranoj obavezi navedenih institucija, odnosno lica u čijem opisu poslova je dostava navedenih podataka te se njihovo dostavljanje Uredu vrši kontinuirano.

Ukupan broja prijava nosilaca javnih funkcija, uključujući dostavljene inicijalne prijave (393 prijave), na dan podnošenja informacije iznosi 498 prijave.

Radi lakšeg snalaženja i kvalitetnijeg postupanja institucija Ured je, pored toga što je svim institucijama pojedinačno dostavio Obrazac prijave nosilaca javnih funkcija, sačinio i na internet stranici Vlade Tuzlanskog kantona (www.vladatk.kim.ba) učinio dostupnim navedeni obrazac i Uputu za postupanje kojom je detaljno pojašnjeno na koji način se vrši prijavljivanje istih, kao i na koji način se vrši popunjavanje obrasca.

2.2. Prijava imovine i poklona nosilaca javnih funkcija

U postupku klasifikacije i evidentiranja inicijalnih prijava imovine i poklona, koje su shodno članu 29. Zakona, zatečeni nosioci javnih funkcija bili obavezni dostaviti u roku od 60 dana od dana stupanja na snagu Zakona, a koje su dostavljene do dana 30.06.2022. godine, utvrđen je ukupan broj od 725 prijava.

Ukupan broj prijave imovine i poklona nosioca javnih funkcija, po različitim osnovima podnošenja, uključujući dostavljene inicijalne prijave (725 prijave), na dan podnošenja informacije iznosi 952 prijave.

Radi lakšeg snalaženja i kvalitetnijeg postupanja nosilaca javnih funkcija Ured je sačinio i na internet stranici Vlade Tuzlanskog kantona (www.vladatk.kim.ba) učinio dostupnim Uputstvo za popunjavanje obrasca prijave imovine i poklona, kojim je detaljno pojašnjeno na koga se odnosi obaveza prijavljivanja imovine i poklona, na koji način se vrši prijavljivanje istih, kao i na koji način se vrši popunjavanje obrasca.

3. PREKRŠAJNI POSTUPAK - PREKRŠAJNI NALOG

Odredbom člana 8. stav (1) i člana 24. stav (3) Zakona utvrđeno je ovlaštenje Ureda da pokreće prekršajni postupak a sve u skladu sa Zakonom o prekršajima ("Službene novine Federacije BiH", broj: 63/14). U skladu sa odredbama Zakona o prekršajima, preciznije članom 55. stav (7) istog, svako ovlašteno tijelo (u ovom slučaju Ured) može imati vlastiti obrazac prekršajnog naloga s tim da takav obrazac treba biti odobren od strane Federalnog ministarstva pravde.

Slijedom navedenog Ured je sačinio obrazac prekršajnog naloga te isti, 29.12.2022. godine dostavio Federalnom ministarstvu pravde na odobrenje. Po dobijanju odobrenja (i jedinstvenih brojeva prekršajnog naloga) pristupiće se zaključivanju sporazuma sa Agencijom za identifikacione dokumente, evidenciju i razmjenu podataka (IDDEEA) te na taj način realizirati (u punom kapacitetu) ovlaštenja predviđena Zakonom.

4. KONTROLA PRIJAVLJIVANJA IMOVINE I POKLONA NOSILACA JAVNIH FUNKCIJA

Jedna od osnovnih nadležnosti Ureda jeste kontrola prijavljivanja imovine i poklona nosioca javnih funkcija. Sa jedne strane se vrši provjera u cilju utvrđivanja postojanja materijalnih grešaka i pogrešno ili nepotpuno popunjenih prijava – te je u tom slučaju obaveza Ureda da obavijesti podnositelja prijave o potrebnim ispravkama i to u roku od 15 dana po prijemu obavještenja, te se sa druge strane vrši kontrola podataka o imovini i izvoru i vrsti prihoda kojima je imovina kupljena. U slučaju nesrazmjera između prihoda i imovine, kao i u slučaju osnova sumnje u istinitost podataka i zakonitosti načina na koji je na koji je imovina stečena, Ured je dužan o tome obavijestiti nadležno tužilaštvo odnosno druge nadležne organe (član 21. Zakona).

Uredbom o sadržaju i načinu vođenja registra podataka o nositeljima javnih funkcija i imovini u Tuzlanskom kantonu ("Službene novine Tuzlanskog kantona" broj: 07/22) propisan je način, postupak i dinamika vršenja kontrole kao i daljnje postupanje u slučaju uočavanja nepravilnosti. Kao napomenu ističemo da je Ured trenutno u fazi unošenja podataka (podnesenih prijava imovine i poklona) u Registar imovine i poklona (elektronska zbirka podataka o imovini nositelja javnih funkcija u Tuzlanskom kantonu čiju je izradu finansirala Misija OSCE-a u BiH), te se aktivno radi na otklanjanju uočenih materijalnih grešaka odnosno nepotpuno ili pogrešno popunjenih prijava. Takođe, u saradnji sa misijom OSCE-a (po javnom pozivu navedenih) izabrana je firma koja će izvršiti izradu WEB

stranice Ureda, na kojoj će se, shodno Zakonu i Uredbi o sadržaju i načinu vođenja registra podataka o nositeljima javnih funkcija i imovini u Tuzlanskom kantonu, učiniti javno dostupnim podaci iz navedenog registra.

Kako navedena Uredba o sadržaju i načinu vođenja registra podataka o nositeljima javnih funkcija i imovini u Tuzlanskom kantonu predviđa minimalan broj kontrola za jednu kalendarsku godinu (minimalno za 200 nositelja javnih funkcija) istima će se pristupiti po formiranju Registra imovine i poklona.

5. ZAKLJUČNA RAZMATRANJA

Stupanjem na snagu Zakona i njegovom implementacijom u početnoj fazi došlo je do niza problema, te prepreka, kako objektivne tako i subjektivne prirode, za njegovo provođenje. U početnoj fazi, po formiranju popisa institucija na koje se Zakon odnosi, Ured je navedenim institucijama dostavio akt (u prilogu istog dostavljen Obrazac prijave nosilaca javnih funkcija) kojim su, između ostalog, iste pozvane da izvrše svoju Zakonom propisanu obavezu usklađivanja pravilnika o unutrašnjoj organizaciji i sistematizaciji radnih mjesta, na način da odrede radno mjesto u čijem opisu poslova će biti dostava podataka iz člana 7. stav (1) Zakona. Nakon toga, a po saznanju da institucije nisu ispunile obavezu na propisan način, Ured se, ponovo pisanim putem, obratio pojedinačno svim institucijama i pozvao na ispunjenje Zakonom propisane obaveze. Nadalje, Ured se, u svrhu formiranja popisa javnih funkcija, obratio pojedinačno svim institucijama zahtjevom za dostavljanje popisa javnih funkcija i nosilaca javnih funkcija, kako bi se shodno navedenom mogla uspostaviti odgovarajuća usporedba sa prijavama zaprimljenim od strane nosilaca javne funkcije zatečenim na javnoj funkciji u momentu stupanja na snagu predmetnog zakona.

Ono što je bitno napomenuti je da značajan broj institucija (132 institucije) zaključno sa danom podnošenja ove informacije nije izvršio svoju obavezu u pogledu usklađivanja pravilnika o unutrašnjoj organizaciji i sistematizaciji sa Zakonom, odnosno određivanja radnog mjesta sa opisom poslova kako je gore navedeno, niti su iste dostavile podatke o rukovodnoj i upravljačkoj strukturi.

Posljedice ovakvog nepostupanja su dvojake:

- sa jedne strane nisu određena lica na Zakonom propisan način, u čijem opisu poslova je dostava podataka Uredu (u takvim slučajevima je upitna formalno-pravna valjanost podataka dobijenih od neovlaštene osobe) te
- sa druge strane Ured nakon, praktično, godinu dana od stupanja Zakona na snagu nema cjelokupne i precizne podatke o nosiocima javnih funkcija.

Međutim, potrebno je istaći da je značajniji broj institucija (183 institucije) postupio u skladu sa Zakonom, te uputstvima i aktima Ureda i dostavio tražene podatke.

Nadalje, problem sa kojim se Ured susreće i pored postojanja Uputstva za popunjavanje obrasca prijave imovine i poklona i Upute za postupanje koja se odnosi na obrazac prijave nosilaca javnih funkcija, je nepravilno popunjavanje obrazaca (kako obrasca nosilaca javnih funkcija tako i obrasca prijave imovine i poklona), slijedom čega se, kako na terenu u obliku radno-konsultativnih sastanaka tako i kroz svakodnevnu komunikaciju sa institucijama i nosiocima javnih funkcija, vrše redovne konsultacije u svrhu pravilnog izvršenja obaveza i dosljedne implementacije Zakona.

Smatramo da je na ovom mjestu nužno i istaći sugestije a koje se tiču određenih nedorečenosti u samom Zakonu, sa kojim se kao takvim Ured susreće u svakodnevnom radu, pa tako Zakon ne predviđa sankcije za nepostupanje za pravna lica odnosno institucije (posljedično i odgovorna lica u istim) za neprovođenje potrebnih izmjena u pravilnicima o unutrašnjoj organizaciji i sistematizaciji radnih mjesta (samim tim u značajnoj mjeri koči rad Ureda a bez mogućnosti poduzimanja adekvatne sankcije-barem kada je Zakon u pitanju).

S tim u vezi bitno je istaći da će Ured, a putem Ministarstva pravosuđa i uprave Tuzlanskog kantona odnosno Upravne inspekcije inicirati postupke protiv navedenih institucija te nastaviti svoje djelovanje u tom pravcu.

Nadalje članom 10. stav (1) Zakona definisana je imovina koja je predmet prijave, ono što je sporno u navedenom članu je tačka h) odnosno izvor i visina godišnjih novčanih prihoda u BiH i inostranstvu. Dosadašnje iskustvo je pokazalo da formulacija “godišnji novčani prihod” svakako nije dovoljno precizna te bi istu trebalo na adekvatan način precizirati ili barem uvrstiti tabelu/rubriku koja bi sadržavala tačan period na koji se novčani prihod odnosi.

U narednom periodu Ured će svakako, a u skladu sa kadrovskim i tehničkim kapacitetima, izvršiti detaljnu analizu samog Zakona uzevši u obzir njegovu praktičnu primjenu te istu (analizu) uključiti u narednu informaciju koja ima biti dostavljena.

Broj: D-02/31-04-001451/23

Tuzla, 26.01.2023. godine

